




ԵԿԵՂԵՑԱԿԱՆ ԲԵՄ. ԼՈՒՐԵՐ

Ապրիլի 1-ին, չորեքշաբթի.—Այսօր, երեկոյան, Վեհաբանում գումարվում է միաբանական հերթական հավաքույթ:

Հավաքույթին ներկա էր Վեհափառ Հայրապետը:

• •

Նոյն օրը, երեկոյան, Բեյրութից ուխտավորաբար Մայր Աթոռ է ժամանում Տ. Գնել եպս. Մերենյանը: Սրբազան հորը Երևանի օղանավակայանում դիմավորում է Տ. Մովսիս վրդ. Սարգսյանը:

• •

Ապրիլի 4-ին, շաբաթ.—Տօն է Սրբոյն Գրիգորի Լուսաւորչին մերոյ սոսկալի չարանացն և մտին ի Վիրապն.

Այսօր, օրվա մեծ տոնի առիթով, Մայր տաճարում, Իջման Ս. Սեդանի վրա, պատարագ է մատուցում ուխտավորաբար Մայր աթոռում գտնվող Տ. Հայկազուն արքեպիսկոպոսի և «Հայր մեր»-ից առաջ քարոզում՝ «Այսօր զիմանալի լուսոյն ծագողն ի խաւարի նստելոցս» (Ծարական) բնաբանով:

Հայր սուրբը իր քարոզում խոստում է Ա. Գրիգոր Լուսավորչի չարչարանքների, տուկուն կամքի ու ճշմարիտ հավատքի մասին՝ որպէս օրինակ հավատացաւներին:

Պատարագից հետո հոգևոր ճեմարանի ողջ ուսանողութիւնը, ղեկավարութեամբ ճեմարանի ընդհանուր դաստիարակ Տ. Ստեփանոս արքեպիսկոպոսի և մեկնում դէպի Խորվիրապի վանք՝ իր հարգանքի և նվիրումի տուրքը մատուցելու Հայաստանյայց Եկեղեցու հիմնադրի սուրբ հիշատակին: Ուսանողները իջնում են նաև Արտաշատի պատմական վիրապ, ուր երկար տարիներ չարչարել էր Մեծ Սուրբը:

• •

Ապրիլի 5-ին, կիրակի.—Ձ կիրակի Քառանդորդական Պահոց (Գայստեան).

Այսօր Մայր տաճարում, Ավագ խորանի վրա, Վ. պատարագ է մատուցում Տ. Զատիկ արքեպիսկոպոսը:

«Հայր մեր»-ից առաջ քարոզում է Տ. Գրիգորիս վրդ. Բունիաթյանը՝ «Որ ըզխորհորդ քո գալստեանդ՝ յառաջագոյն գուշակեցեր» (Ծարական) բնաբանով:

Ապրիլի 7-ին, երեքշաբթի.—Աւետումն Ս. Աստուածածնի.

Այսօր Մայր տաճարում, օրվա տոնի աւիթով, Ավագ խորանի վրա, ս. պատարագ է մատուցում Ս. Արտակ քին. Սիմոնյանը:

Ապրիլի 8-ին, չորեքշաբթի.—Այսօր, երեկոյան, Վեհաբանում, Վեհափառ Հայրապետի նախագահությամբ, գումարվում է միաբանական հերթական հավաքույթ: Զեկուցումով հանդես է գալիս Ս. Հովսիսիմե վանքի վանահայր Ս. Մասիս վրդ. Գալըստյանը՝ Ս. Հովսիսիմե վանքում կատարված վերանորոգչական աշխատանքների մասին:

Նույն օրը, երեկոյան, Վեհափառ Հայրապետի բարեհաճ կարգադրությամբ, ուխտավորաբար Մայր Աթոռում գտնվող Ս. Գնել եպս. Ծերեճյանը մեկնում է Հունաստան՝ տանելու Վեհափառ Հայրապետի ողջույններն ու օրհնությունները և նախագահելու զատկական հանդիսություններին և «Բանին կենաց» քարոզությամբ մխիթարելու հավատացյալներին:

Ապրիլի 11-ին, շաբաթ.—Այսօր Վեհաբանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստ: Նիստին հրավիրվել էր Մայր Աթոռի ֆինանսական բաժնի վարիչ և գլխավոր հաշվապահ պարոն Գառնիկ Քեհյայանը, որը հանգամանալից ձևով ներկայացնում է Մայր Աթոռի 1980 թ. բյուջեի կատարողականը՝ և 1981 թ. նոր բյուջեի նախագիծը:

Նույն նիստին հրավիրվել էր նաև Մայր Աթոռի գլխավոր ճարտարապետ պարոն Արծրուն Գալիկյանը, որը նույնպես ներկայացնում է Մայր Աթոռից ներս և նրա սահմաններից դուրս կատարված շինարարական աշխատանքները և 1981 թ. կատարվելիք աշխատանքների նախագիծը:

Գերագույն հոգևոր խորհուրդը, լսելով պրն. Գառնիկ Քեհյայանի և պրն. Արծրուն Գալիկյանի զեկուցումները, հաստատեց Մայր Աթոռի 1981 թ. բյուջեի և նույն տարվա ընթացքում կատարվելիք շինարարական աշխատանքների նախագիծը:

Վերջում Գերագույն հոգևոր խորհուրդը իր գոհունակությունն արձանագրեց Մայր

Աթոռի երկու կարևոր բաժինների պատասխանատու և ղեկավար աշխատողների գործունեության առթիվ՝ հօգուտ Մայր Աթոռի և ի պաշտպանություն Ս. Էջմիածնի:

Ապրիլի 12-ին, կիրակի.—Ծաղկազարդ.

Այսօր Մայր տաճարում, օրվա մեծ տոնի աւիթով, Ավագ խորանի վրա, ս. պատարագ է մատուցում Ս. Գրիգորիս վրդ. Բուհիայանը և «Հայր մեր»-ից առաջ քարոզում՝ «Օրհնեա՛լ որ գալ թագաւորդ յանուն Տեառն» (Ղուկ. ԺԴ 38) բնաբանով:

Սուրբ պատարագին ներկա էր Վեհափառ Հայրապետը:

Նույն օրը, երեկոյան, Մայր տաճարում, երեկոյան ժամերգությունից անմիջապես հետո, կատարվում է «Դո՛ւքացէ՛ք»-ի ավանդական հանդիսությունը, որի ընթացքում բացվում է Ավագ խորանի մեծ վարագույրը:

Ապրիլի 15-ին, չորեքշաբթի.—Այսօր Վեհաբանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

Ապրիլի 16-ին, հինգշաբթի.—Աւագ հինգշաբթի. Յիշատակ ընթերցեց Տեառն մերոյ Յիսուսի Քրիստոսի.

Այսօր Մայր տաճարում, Ավագ խորանի վրա, միջօրեի ս. պատարագ է մատուցում Ս. Խաչատուր քին. Ֆրանգյանը:

Այս տարի ևս Մայր Աթոռում ավանդական շուքով և հանդիսությամբ կատարվում են Ավագ շաբաթվա եկեղեցական արարողությունները՝ մասնակցությամբ Մայր Աթոռի ողջ միաբանության և հոգևոր ճեմարանի ուսանողության:

Երեկոյան ժամը 17-ին կատարվում է «Զկարգ Ոսնալուայի»՝ նախագահությամբ Մայր տաճարի լուսարարապետ Ս. Հուսիկ արքեպ. Սանթրոյանի: Ս. պատարագի ընթացքում ընթերցվում է Ս. Բարսեղ Կեսարացու ճառը՝ նվիրված օրվա խորհրդին:

Նույն օրը, երեկոյան ժամը 19-ին, կատարվում է գիշերային հսկումի կարգը: Մայր տաճարը լիքն է աղոթավոր բազմությամբ: Հանդիսությամբ կատարվում են Քրիստոսի մատնությանը նվիրված Նոր

Կտակարանի ընթերցումները, շարականներն ու աղոթքները:

«Փառք ի բարձունա»-ից հետո «Հա՛յր, թող դոցա, զի ոչ գիտեն զինչ գործեն» (Ղուկ., ԻԳ 34) բնաբանով բովանդակալից քարոզ է խոսում Տ. Ստեփանոս արևելա Չաքալյանը՝ վեր հանելով Քրիստոսի մատնության գիշերվա փրկարար նշանակությունը:

•
•

Ապրիլի 17-ին, ուրբաթ.—Աւագ ուրբաթ. Յիշատակ չարչարանաց և խաչելութեան Տեառն մերոյ Յիսուսի Քրիստոսի.

Այսօր, առափոտյան, Մայր տաճարում կատարվում է «Կարգ Խաչելութեան» արարողությունը, իսկ երեկոյան ժամը 17-ին՝ «Թաղման կարգը», և ապա մեծ հանդիսությամբ՝ «Թափոր թաղմանն»՝ նախագահությամբ Վեհափառ Հայրապետի և մասնակցությամբ ողջ եկեղեցական դասի ու ճեմարանի ուսանողության:

•
•

Ապրիլի 18-ին, շաբաթ.—Աւագ շաբաթ. Ծրագալոյց Զատիկի.

Այսօր, երեկոյան, Մայր տաճարում, Ավագ խորանի վրա, ճրագալույցի ու պատարագ է մատուցում Տ. Մովսիս վրդ. Սարգսյանը:

Ս. պատարագից առաջ հոգևոր ճեմարանի 4 ուսանողներ հանդիսավորությամբ ընթերցում են Դանիել մարգարեի «Երից մանկանց» օրհներգությունը, որի ավարտին Հարության ավետիսով բացվում է Ավագ

խորանի վարագույրը և սկսվում իրիկնադեմի ու պատարագը:

Հավարտ ու պատարագի, Վեհափառ Հայրապետի նախագահությամբ, կատարվում է Զատիկի նախատոնակի արարողությունը, և Մայր տաճարի մեջ հնչում է Հարության մեծ ավետիսը՝ «Քրիստոս յարեալ ի մեռելոց...»:

Երեկոյան, ընթրիքի ժամին, վանական տեղանտառներ օրհնվում է զատկական սեղանը, և Մայր Աթոռի միաբաններն ու հոգևոր ճեմարանի ուսանողությունը ճաշակում են Զատիկի նավակատիքի ընթրիքը:

•
•

Ապրիլի 20-ին, երկուշաբթի.—Այսօր Մայր տաճարում, Ավագ խորանի վրա, ու պատարագ է մատուցում Տ. Արտակ քնն. Միմոնյանը:

Հավարտ ու պատարագի կատարվում է հոգեհանգիստ՝ «Վասն համօրէն ննջեցելոց»:

•
•

Ապրիլի 26-ին, կիրակի.—Կրկնագատիկ (Նոր կիրակի).

Այսօր Մայր տաճարում, Ավագ խորանի վրա, ու պատարագ է մատուցում Տ. Ստեփանոս արդ. Չաքալյանը և «Հայր մեր»-ից առաջ քարոզում՝ «Քաջալերեցարո՛ւք, զի ես յաղթեցի աշխարհի» (Ղովհ. ԺԶ 33) բնաբանով:

«Զկնի սրբոյ պատարագի» կատարվում է հոգեհանգիստ՝ համաշխարհային առաջին և երկրորդ պատերազմների մեր բյուրավոր նահատակների հիշատակին:

